



PROCESVERBALI

Mbledhja e Këshillit Komunal për Siguri në Bashkësi (KKSBB) në Rahovec, e mbajtur më 09.07.2020 me fillim në ora 10.15. Mbledhjen e kryesoi Kryetari Komunës Smajl Latifi. Kuorum për mbajtjen e mbledhjes kemi.

Kryetari- Më lejoni ti përshëndes të gjithë të gjithë anëtarët e KKSBB, Nënkryetarin e komunës, Fatmir Iska, drejtorët e drejtorive, komandantin e stacionit të Policisë në Rahovec z. Fazli Morina, përfaqësues të Ushtrisë së Kosovës prezentë këtu që përfaqësojnë nga pikëpamja e sigurisë e që kontribuojnë në komunën e Rahovecit, përfaqësuesit e klerit fetar, dhe gjithë të pranishmit e tjerë që janë prezent në sallë. Ky është takimi i katërt për vitin 2020 i KKSBB-së. Propozoj këtë rend dite:

REND DITE

1. Shqyrtimi dhe aprovimi i procesverbalit nga mbledhja e kaluar;
2. Informatë rreth menaxhimit të situatës të krijuar nga Covid – 19 nga Komuna e Rahovecit;
3. Vlerësimi i përgjithshëm i gjendjes së sigurisë në territorin e komunës së Rahovecit,
 - Prishja e qetësisë publike nga lokalet e natës dhe personat e papërgjegjshëm,
 - Masat për parandalimin e lëmshë-kërkuesit,
 - Plani operativ për sezonin e pushimeve të mërgimtarëve dhe dasmave,
 - Siguria në trafik,
 - Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
 - Rreth veprimeve dhe masave për luftimin e shkelësve të ligjit në komunën e Rahovecit,
 - Parapërgatitja dhe vetëdijesimi i qytetarëve për parandalimin nga zjarri gjatë sezonit veror,
4. Sensibilizimi i qytetarëve për rendësinë e promovimit të bashkëpunimit ndër-etnik, multi-kulturor dhe ndër – fetar
5. Të ndryshme.

Kryetari – Ky rend dite, po ju vë në dijeni është në përputhje me planin e KKSBB-së për vitin 2020, nëse nuk ka ndonjë koment për ndonjë pikë të rendit të ditës, atëherë e vë në votim rendin e ditës: Konstatohet se në mënyrë unanime është aprovuar rendi i ditës. Kalojmë në pikën e parë të rendit të ditës:

1. Aprovimi i procesverbalit nga mbledhja e kaluar.

Ka dikush të shtoj diçka sa i përket procesverbalit nga mbledhja e kaluar, nëse jo e vë në votim: Konstatohet se në mënyrë unanime është aprovuar procesverbali nga mbledhja e kaluar. Kalojmë në pikën e radhës të rendit të ditës:

2. Informatë rreth menaxhimit të situatës të krijuar nga Covid – 19 nga Komuna e Rahovecit.

Të nderuar sa i përket menaxhimit të situatës me Covid – 19, ne si komunë i kemi të gjitha të dhënat që nga fillimi i kësaj pandemie, por nuk do ju ngarkoj me ato sepse edhe në mbledhjen e kaluar ju kam dhënë një informatë të tillë. Në komunën tonë që nga fillimi e deri tani janë të infektuar rreth 84 persona, ku prej tyre 46 persona janë aktiv me Covid – 19, të shëruar janë 30 raste, kurse të vdekur për fat të keq i kemi 8 raste. Ne si komunë jemi të njoftuar për çdo ditë me rastet e infektimit para se të dalin në publik, njoftimi në vije nga IKSHP-ja. Prandaj mendoj se duhet të u bëhet thirrje qytetarëve të Komunës së Rahovecit edhe nga ky këshill që ti përmbahen rekomandimeve të institucioneve qendrore dhe atyre komunale që në fund ta mundim këtë virus të padukshëm.

3. Vlerësimi i përgjithshëm i gjendjes së sigurisë në territorin e komunës së Rahovecit.

Kryetari - Kam dy fjalë për gjendjen e përgjithshme të sigurisë në komunën tonë, sigurisht pastaj do të adresohet më konkretisht edhe Komandahti i stacionit policisë Kapiteni Fazli Morina edhe gjithë të tjerët. Në pikën e tretë të rendit të ditës të mbledhjes së KKS-së, potencoi se gjendja e sigurisë së përgjithshme në komunën e Rahovecit tonë vazhdon të jetë e qetë dhe stabile, gjithmonë flas duke u bazuar në bazë të informatave të cilat më vinë nga stacioni policor në Rahovec. Nuk kemi ndonjë rast për të ju informuar me diçka e cika do ja vliente dhe do hynte në atë që ne e quajmë prishje të gjendjes së sigurisë në komunën tonë.

Fazli Morina, Komandant i Stacionit të policisë në Rahovec – Përshëndetje kryetar për ju personalisht, përshëndetje për gjithë pjesëmarrësit në sallë duke i përfshirë gjithë anëtarët e KKS-së, gjithashtu përshëndetje për FSK-në dhe gjithë të tjerët. Sa i përket sigurisë së përgjithshme në komunën e Rahovecit konstatohet se ka qenë e qetë dhe stabile, po ashtu edhe në këto ditë të muajve raportues Maj – Qershor dhe deri më sot në muajin korrik gjendja vazhdon të mbetet e qetë dhe stabile. Do i referohem në pika të shkurta për disa nga ngjarjet që kanë ndodhur: Në muajin qershor janë shqiptuar nga ana e policisë rreth 13 gjopa për prishje të rendit dhe qetësisë publike, sepse sipas ligjit tani deri në 500 € ka drejtë policia të i gjobit pa shkuar rasti në gjykatë. Sa i përket lëmsh kërkuesve njësitit ynë përkatës merret me ta, por për fate të mirë këta lëmshë kërkues nuk janë nga komuna jonë, shumica janë nga komunat e tjera. Kurse sa i përket organizimit të dasmave, tani me vendimin e fundit deri në 502 persona lejohet mbajtja e ahengeve, prandaj ne deri më tani nuk kemi marrë ndonjë masë në familjet të cilët kanë organizuar dasma. Siguria në trafik deri në një masë është mirë, ne e kemi planin operative për sigurinë në trafik të cilin a zbatojmë. Kurse sa i përket zbatimit të vendimit për mbylljen e kafiterive nga ora 21:00 për shkak të pandemisë, lirishtë mundem të them se ky vendim nuk është duke u zbatuar, ne jemi marrë vesh me kryetarin e komunës që ti paralajmërojmë pronarët e kafiterive, por ata nuk janë duke kuptuar si duket. Prandaj mendoj se duhet të shkohet me masën e ndëshkimit ashtu siç është e paraparë me vendim të cilin e ka marrë qeveria e republikës së Kosovës.

Përfaqësuesi i FSK-së - Përshëndetje për të gjithë të pranishmit, të nderuar desha të ndërlihem sa i përket problemit të lëmsh kërkuesve, mendoj se lëmsh kërkuesit këtë e kanë bërë si profesion ose punë, prandaj është mirë që mos të përkrahen ata me mjete financiare sepse nëse ne i japim atyre atëherë jemi duke i përkrahur në veprimin e tyre. Kishte me qenë mirë që të bëhet vetëdijesimi i tyre me anë të ndonjë ligjërata si nëpër bashkësi fetare, shkolla etj. Kurse sa i përket zjarrfikësve ne si FSK kemi mundësi që të organizojmë një trajnim me Policinë e Kosovës, zjarrfikësit dhe me nga një përfaqësues të lagjeve dhe fshatrave, ku do të bëjmë një trajnim se si bëhet fikja e zjarrit ose shpëtimi nga zjarri deri sa të vinë zjarrfikësit.

Shqip Shala – Përshëndetje për të gjithë të pranishmit, sa i përket lëmsh kërkuesit, në Komunën e Rahovecit nuk ka pasur asnjëherë lëmsh kërkues, i kam 70 vite dhe nuk kam hasur, ndoshta kjo ndodhë edhe për shkak të mentalitetit që e kanë njerëzit e komunës sonë. Por kjo dukuri në kohët e fundit si duket pak ka ndryshuar sepse ka disa prindër të papërgjegjshëm që i lëshojnë fëmijët e tyre

për të kërkuar, prandaj kishte me qenë mirë që policia në planin tyre operativ të i identifikojnë këta prindër dhe të ju tërhiqet vërejtje.

Nysret Abazibra - Përshëndetje për të gjithë të pranishmit, Ne si institucion i Bashkësisë Fetare, me këtë dukuri jemi duke u ballafaquar çdo ditë dhe më së shumti, ne po ashtu jemi duke mbajtur fjalime sa i përket lëmsh kërkuesve, po ashtu neve këta persona janë duke na penguar çdo ditë që ti kryejmë ritet tona fetare. Nuk janë vetëm fëmijët por prindër së bashku me fëmijë, ne si institucion i Bashkësisë fetare disa herë këtyre personave i kemi dalë në ndihmë me gjëra ushqimore, por ata përsëri vazhdojnë që të vinë dhe të na pengojnë, po ashtu ne jemi ne gjendje edhe në të ardhmen që ti ndihmojmë me gjëra ushqimor. Prandaj kishte me qenë mirë që me këtë kategori të ndermirët diçka ma serioze e jo vetëm këshilla sepse këshilla jemi duke dhënë shumë herë.

Ramë Berisha – Përshëndetje për të gjithë të pranishmit, kishte me qenë mirë që të vetëdijesohemi të gjithë për gjërat që jemi duke i bërë dhe që duhet të i bëjmë në të ardhmen, po ashtu edhe institucionet si ato qendrore dhe komunale duhet të jenë më të afërta me njerëzit e tyre, pra të i qëndrojnë më afër sepse ata kanë nevojë të ndryshme dhe nevojat i shtynë që të dalin nëpër rrugë për të kërkuar. Falënderoj kryetarin që na ka qëndruar afër me ndihma në këtë kohë pandemie.

Hasan Përboqi – Drejtor i Emergjencës – Përshëndetje për të gjithë, Raporti për planin operativ për sezonin veror korrik – gushtë ne si drejtori e kemi hartuar . Njësia e zjarrfikësve në këtë vite është shumë më e kompletuar se sa në vitin e kaluar, jemi pajisur me disa kamion të ri për zjarrfikës, dhe me disa vegla të nevojshme për zjarrfikësit. Po ashtu komuna e Rahovecit ka investuar rreth 12,000.00 € për zjarrfikës ku i ka ndërtuar disa garazhe për kamion në mënyrë që të mos ekspozohen jashtë. Ne në periudhën 6 mujore të vitit 2020 kemi pasur rreth 98 zjarre, por për fat të mirë asnjëri nuk ka pasur dëme në njerëz por vetëm dëme materiale. Po ashtu ne si drejtori për çdo vite gjatë fillimit të sezonit të verës i njoftojmë qytetarët e komunë sonë me disa fletushke se si të mbrohen nga zjarret deri sa të vije ekipi i zjarrfikësve, këto fletushke shpërndahen në të gjithë komunitetin e komunës sonë.

4. Sensibilizimi i qytetarëve për rëndësinë e promovimit të bashkëpunimit ndër-etnik, multi-kulturor dhe ndër – fetar.

Kryetari – Të nderuar kjo është një pikë e cila na ka ardhur edhe këtë vite si propozim nga OSBE-ja, ne vitin e kaluar i kemi mbajtur disa aktivitetet si KKSB në bashkëpunim me OSBE-në, ku janë organizuar lojëra të ndryshme sportive. Por siç e dini të gjithë këtë vite nuk kemi mundësi të bëjmë diçka të tillë sepse shkakut është pandemia, por shpresoj se me kalimin e kësaj pandemie do të organizohet diçka e tillë në mes komuniteteve që jetojnë në komunën e Rahovecit. Ne si komunë për fatë të mirë nuk kemi ndonjë problem ndër etnik deri më tani dhe besoj se kjo frymë e mirë e bashkëpunimit do të vazhdojë edhe në të ardhmen. Unë si kryetar i komunës do të shkoj së shpejti të e vizitoj Hoçën e Madhe ku jeton komuniteti serb, ku do të shohë mos kanë ndonjë kërkesë nga ne si komunë.

5. Të Ndryshme.

Nëse ka dikush të shtoj diçka sa i përket pikës së fundit, fjala është e juaja, nëse jo atëherë shkojmë me rekomandimet dhe konkluzat e këtij takimi.

Konkluzion nga Kryetari i Komunës për mbledhjen e datës 09.07.2020

1. Policia dhe inspektorati të vihen në lëvizje dhe të zbatojnë ligjin ndaj atyre të cilët e shkelin ligjin dhe vendimet e komunës, ne si komunë dhe si KKSB duhet të i japim mbështetje në mënyrë që të respektohet në përpikëri ligji.

2. Konkluzioni i dytë është që jemi pro0 propozimit të përfaqësuesit të FSK-së që të bëhet një trajnim sa i përket aftësisë të komunitetit për fikje të zjarrit, ne si komunë do ju mbështesim.

3. Mërgimtarët në komunën tonë e kanë sportelin e veçantë për kryerje të shërbimeve si çdo vite edhe këtë vite, po ashtu mërgimtarëve do ju lejohet që të parkojnë makinat e tyre në oborrin e komunës pa pagesë.

4. Dasmat munden të organizohen ashtu siç është mare vendimi në qeveria e Republikës së Kosovës deri në 50 persona, por gjithnjë kjo duhet të respektohet, në të kundërtën policia duhet të veprojë menjëherë.

5. Lokalet e natës ne si komunë dhe si KKSB e kemi mare një vendim që ato pas orës 23:00 e kanë të ndaluar punën, prandaj lusë inspektoratin dhe policinë që të veprojnë nëse këto lokale të natës vazhdojnë punën pas orës 23:00, pra duhet të respektohen vendimet e komunës.

6. Zhurma nga muzika dhe motoçiklistët pas orëve të vona, policia e ka gjitha kompetencat dhe mbështetjen e komunës që këta persona të i gjobitë, nuk duhet lejuar që disa persona të prishin qetësin publike të qytetarëve të komunës sonë.

7. Sa i përket mallrave të ekspozuara në trotuare, kërkoj nga policia në bashkëpunim me inspektoratin që këto mallra të i largojë menjëherë, pra të i konfiskojë në mënyrë që qytetarët e komunës sonë të mundin të lëvizin lirshëm.

8. Lëmosh kërkuesit duhet të hiqen nga rrugët e qytetit sepse vetëm aty kemi më shumë, kërkoj nga policia që të i identifikoj prindërit e tyre ose organizatorët e tyre që i lëshojnë fëmijët në rrugë dhe të merren masa ndaj tyre.

Kryetari – Ju faleminderit të gjithëve për diskutimin e zhvilluar në këtë takim të KKSB-së, shihemi në takimet e radhës.

Mbledhja përfundoi në 11:45

Skender Hamza

 Koordinator i KKSB-së

